

Lthgölthk gish ga Nagwāt ga), holtk ga gish ga am diltsh shimhou ga.

15 Magaunshk ga gut John gish niat, ada wiamhouit, gish ga houit ga, Gwai na ltha na houyūt, Niat ga gū goiduksha didā tkulānū yagai gilwil kshgauga dā goi; āwil ltha kshgaug didā goi.

16 Ada na holtk gut ga ltha tka wādum ga, diltsh āmt ada gik āmt.

17 Awilt Moses a nat in ginam wilalaut; ada alt Jesus Christit in dagoiduksha āmt diltsh shimhout.

18 Althgat nālth nat in ltha ligi nīsh ga Shimoigiat ga Lakāga alth da ligi n'da; gup nīsh ga gaulū Lthgölthk gaga, gū lūmanshgūt gish ga gaiiksh ga Nagwāt ga, niat ga lthat in alūdāant ga.

19 Ada gwai ga magaunshk gish John ga, ash ga lthat hash-haizt ga Jews ga priests ga diltsh Levites ga amyāt gish ga Jerusalem gish ga dumt gūadaikt ga, Nā da gwut nūgun?

20 Adat dagākt ga, althgat kshā-nakt; yagai dagāgut ga, althgat Christ ā goi.

21 Adat gūadaikt ga, Al gau da? Altht Elijah ā gwanī? Ada houit ga, Ainat. Alth hūkgwildum malshka dā gwanī? Ada dilamak gut ga, Ain.

22 Ada houit gish niat, Nā da gwut nūgun? Dum wila dilamak gum gish ga nat in hash-haizum ga. Gau hou'un dash lip nūgun?

23 Ada houit ga, Nūyū amhou gaul da wiamhou dida libagait gilhouit, Sha-āzūksh ga na gainash ga Miyān ga, niwālda ltha housh Isaiah propbetit.

24 Ada Pharisees ga wil amyāsh ga nat hash-haizit ga.

25 Ada gūadaikt gish ga, houit gish niat, Gau ma gun al baptize a giadit, zida al what Christ dā gwan, ligit

Elijah, ligi hūkgwildum malshk ga dit?

26 Ada dilamak gish John, gish ga houit gish dupniat, Aksha hoiyū da na baptize a giadit: haik ga gaul dida shpaga shimt gū wha wilai shimt,

27 Gū nīnī goiduksha dida tkulānūt, gū wil althga tkulāmlth n'dum lthūlth na zauksht.

28 Bethany ga nadau gish ga Jordan ga wil wāl diya gwa, wil hīāqush gut baptizet gut John ga giat ga.

29 Ltha gaziep ga adat nīsh ga wil gwuniāsh Jesus gish ga awāt ga, adat houit ga, Nī, na Wāikshish ga Shimoigiat ga Lakāga, gūt in gā na badak ga halizogut!

30 Nīnīsh niada na nahouyū, Goiduksha gaul da giada da tkulānū gū yagai gilwil kshgauga didā goi; āwil ltha kshgaug didā goi.

31 Ada althga nan wilait; ada dum wil alūdā'antk ga didā Israelt, nīnī gun goidukshūt a na baptize a giada da akshit.

32 Magaunshk ga gut John, gish ga houit ga, Niazū wil tikigoiduksh ga Haik ga wātkt gut gish ga Lakāga hoigigūt ga dove ga; ada lidhā didā lakau dit.

33 Ada althga nan wilait; ada al housh ga, nat in haizī gish ga n'dum baptize a giada da akshit, nīnīsh ga houit gā goi, Nā ma dum wil nī liti-goiduksha Haik dit, ada lidhā didā lakau dit, nīnīsh ga dumt in baptize a giadit ash ga Amt ga Haik ga.

34 Ada ltha n'nīsh dit, ada magaunshk gū da Nīnī gwai Lthgölthk gish ga Shimoigiat ga Lakāga.

35 Ada ltha gik gaziep ga ada m'maksh gish dup John, diltsh dupkadōlt ga disciples gut ga;

36 Adat nīsh Jesus gish ga yīyāt